



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCLXXXI. ad annum MCCCXIV.

Parisiis, 1644

Capitvla.

urn:nbn:de:hbz:466:1-15974

694 CLEMENS P. V. CONCILIVM HENRICVS VII.
CAPITVLA.

I.

Primo statutum de clericis tabernariis , quod incipit: Clericus non viator, cum hoc moderamine declaramus , quod causæ rationabiles & honestæ intelligi debeant istæ. Quod si clericus non viator in sacris constitutus, aut religiosus, tabernam intrauerit ad honorandum quempiam amicum , dominum, aut quamcumque honorabilem personam, vel si impræmeditate intret, oblitus constitutionis, seu ex quacumque necessaria vel utili causa, non voluptuosa, ibique biberit vel comederit, poena statuti præhabiti non ligetur. Hæc tamen moderatio ad lusores non extendatur.

II.

Item statutum de rationibus faciendis, quod incipit : Item ne , taliter mitigamus , quod reuocata poena suspensionis ab ingressu ecclesiæ, prælatus qui collegio aut tribus per collegium deputatis saltem semel in anno non fecerit rationem, & a claustris officialibus præsentibus aut vicinis claustris, & a remote distantibus semel in anno non audierit rationes , ab administratione temporalium sit suspensus: quam suspensionem si per tres menses post annum rationibus deputatum sustinuerit animo indurato , extunc arbitrio ordinarii puniatur.

III.

Item iuxta constitutionem domini Bonifacii, quæ est talis: Clerici qui clericali ordini non modicum detrahentes, se ioculatores seu galiardos faciunt, aut buffones , si per annum artem illam ignomi-

CLEMENS
P. V. SALTZBURGENSE II. HENRICVS VII. 695
IMP.
ANNO
CHRISTI
1510. niosam exercuerint ipso iure: si autem tempore
breuiori & tertio admoniti non resipuerint, ca-
reant omni priuilegio clericali. Monemus huius
approbatione Concilii omnes & singulos tales, vt
talem habitum & vitam non assumant, & assum-
ptam deponant infra tres menses, quorum vnum
pro primo, alterum pro secundo, & tertium pro
tertio termino peremptorio assignamus, si poenam
prædictam, quam ipso facto incident, voluerint
euitare.

IV.

Item monemus abbates ordinis sancti Benedi-
cti & præpositos & prælatos sancti Augustini to-
tius nostræ prouinciæ, vt prouincialia capitula sua,
vsque ad festum purificationis proxime futurum
celebrent, iuxta formam a sacris Canonibus eis da-
tam, & deinde de triennio in triennium iuxta for-
mam sacrorum Canonum iam prædictam.

Clemens, &c. Pastorale cura solicitudinis no-
bis diuinitus super cunctas Christiani populi na-
tiones iniuncta, nos vigilare, remedii subiecto-
rum eorumdem periculis obuiare, ac scandala re-
mouere compellit, sane quam ex constitutione *fe-
re. hō. pap. p. 8. nostri, quæ incipit: Clericos lai-
cos: & ex declaratione seu declarationibus ex il-
la postmodum subsecutis nonnulla scandala, pe-
ricula magna, & incomoda grauia sunt secuta,
& ampliora sequi, nisi cleri remedio succurratur,
præsumitur verisimilis in futurum, nos de consilio
fratrum nostrorum constitutionem & declara-
tionem, seu declarationes prædictas, & quidquid

*f. felicis
recorda-
tions Bo-
nifacii pa-
pæ VIII.
prædeces-
toris

ex eis securum est vel ob eas penitus reuocamus,
 & eas habere volumus pro infectis, volentes & fir-
 miter statuentes illud contra quoscumque laicos
 exigentes seu extorquentes ab ecclesiis ecclesiasti-
 cisque personis tallias seu collectas, aut exactiones
 quascumque, & contra dantes ad id faciendum au-
 xilium, consilium vel fauorem, nec non circa præ-
 standas subuentiones laicis ab ecclesiarum prælatis,
 & aliis viris ecclesiasticis inuiolabiliter obseruari,
 quod super his a prædecessoribus nostris in Late-
 ranensi & generali Concilio, quæ nos, sub obte-
 statione diuini iudicii præcipimus obseruari, di-
 stricte salubriter est prouisum.

Data * Lud. Kalendis Februarii, pontificatus nostri <sup>Lug-
duni,</sup>
 anno secundo.

HÆ SVNT CONSTITUTIONES DOMINI
 Conradi venerabilis archiepiscopi ecclœ Salzburgensis,
 de contractibus matrimonialibus.

CONTRACTIBVS matrimoniorum, qui nonnunquam
 contra eorumdem honestatem, ac iuris prohibitio-
 nem in graue animarum periculum clandestine celebran-
 tur, salubriter occurrere cupientes, prioribus statutis su-
 per hoc editis adiicimus, & de consilio sacræ Synodi sta-
 tuentes irrefragabiliter ordinamus, vt quandcumque
 sponsalia seu matrimonia contrahuntur, non minus quam
 sex personæ honestæ, ac fide dignæ de vicinia & saltēm pa-
 rochia amborum, vel vterius contrahentium, aut loci,
 in quo contractus agitur; inter quas ad minus tres virilis
 sexus habeantur, & in ipso contractu debent pro testibus
 adhiberi, quæ non sunt de contrahentium familia, vel eis-
 dem in vna domo cohabitantes, seu domus, in qua fit con-
 tractus huiusmodi, inquilinæ. Quod si secus fuerit atten-
 tatum, contrahentes, operam dantes, siue scienter præ-
 sentiam exhibentes, & sponte in suis dominibus hæc fieri
 patien-